

## Guaraní - Agape Ñandejára Ñe'ẽ - God's Love Letter Scriptures

Juan 15:9 Che pohayhu peẽme che Ru che rayhuháicha. Peiko kena mborayhúpe, pende rehe arekóvape.

Isaías 43:1 Ha ko'ágã Israel, Jacob retã, Ñandejára, nde apohare, he'i ndéve: "Ani rekyhyje, chéko roipe'a vaekue ivaívagui ha rohenói nde réra tee rupi. Nde hína che mba'e.

Jeremías 1:5 "Rojapo mboyve nde sy ryépe, roikuaáma vaekue, ha resẽ mboyve chugui roiporavo vaekue che mba'erã. Romoĩ maranduhára ramo tetã nguérape guarã."

Juan 15:16 Chéve, peẽ nda che poravói vaekue, che uvei poiporavo vaekue peẽme. Che pomondo pejapo haguã heta mba'e, mba'e opa rei'ýva. Péicha, che Ru ome'ëta peẽme opa mba'e chupe pejeruréva che rérape.

3 Juan 1:2 Che pehẽngue ahayhúva, Tupãme añembo'e nde rehe oho porãite haguã ndéve opaite mba'épe ha ne resãï haguã, oho porãháicha ndéve ne py'apýpe.

Isaías 43:4 Roipotágui che mba'erã, che rakate'ýgui nde rehe ha rohayhúgui, ame'ẽ nde rehe kuimba'e ha tetã nguéra.

Jeremías 31:3 Che ajechauka vaekue chupe mombyry guive. Che rohayhu vaekue opa árape guarãicha, upévare, akóinte che py'a porã ne ndive.

Oseas 11:8 Mba'éicha piko rohejáta, Efraín? Mba'éicha piko rome'ëta, Israel? Rohundíta nga'u piko ahundi haguéicha táva Admá térã piko ajapóta nde hegui, pe ajapo vaekue Zeboíngui? Che py'a niko hyku, roiporiahurereko etereígui!

Juan 3:16 Tupã ohayhu etereígui opa yvypórape, ome'ẽ vaekue Ta'ýra peteĩete, ani haguã omano umi hese ojeroviáva, oikove haguã uvei opa ára.

Isaías 49:15,16 Peteĩ kuña piko ikatu hesarái imemby kambúgui oiporiahurereko'ýre upe chugui osẽ vaekuépe? Ha'e hesarái ramo jepe, che nda che resarái chéne nde hegui. 16 Che po pytépe ahai nde réra, nde rehe che mandu'a mante.

Isaías 41:13 Che, Tupã nde Jára, roguerekógui che po akatúpe ha ha'e ndéve: "Ani rekyhyje, aju roipytyvõvo."

Mateo 28:20 ha pembo'e chupe kuéra ojapopa haguã opa umi mba'e aheja vaekue peẽme. Peikuaáke, che aimetaha pene ndive opa

árape ko yvy opaha peve.

Juan 14:1 Ani pejepy'apy. Pejerovia Tupãre ha pejerovia avei che rehe.

Isaías 41:14 Israel, Jacob retã, ne michĩ ha ne kangy ramo jepe, ani rekyhyje, che roipytyvõ. Che, Tupã Israelgua Imarangatúva, upe roipe'áva ivaívagui.

Isaías 43:2 Rehasa vaerã ramo y rupi, che aiméta ne ndive ha umi ysyry rupi ndere'yguy mo'ãi. Rehasa vaerã ramo tata rupi, nderekái mo'ãi. Tata rendy na nde rapy mo'ãi.

Salmos 23:1-6 Ñandejára che rerekua, mba'eve naikotevẽi. 2 Ñu rovyũ asýpe che mombytu'u, y satĩ ypýpe che moguahẽ. 3 Che mombarete jey, ha tape hekópe guáre che reraha héra rehehápe. 4 Ahasa ramo jepe ka'aguy ypytũ rupi, ndakyhyjéi chéne, nde, che Jára, reimégui che ndive. Nde yvyra jekoha, nde rehe che mbojerovia. 5 Karu guasu chéve rejapo umi che rayhu'ỹva rovake. Che akãre reñohẽ mba'e ryakuã asy, ha upe hay'uha remyenyhẽ chovi. 6 Ne mborayhu ha ne mba'e recha kuaa, rehechauka chéve aikove aja pukukue, ha nde rópe Tupã, aikóne opa árape.

Juan 14:27 Py'a guapy aheja peẽme. Py'a guapy che arekóva ame'ẽ peẽme, ha name'ẽi oimeraẽva ome'ẽháicha. Ani pekyhyje térã pejepy'apy.

Filipenses 4:7 Ha Tupã ome'ẽne peẽme ipy'a guapy, tuichavéva opa ikatu vaerãgui yvypóra oha'arõ. Ha pe py'a guapy oñangarekóne pende py'a ha pene ñe'ãre, Cristo Jesús rupi.

Proverbios 3:24 Nderekyhyjéi chéne reñenóvo reke haguã, ha reke porãne.

Salmos 4:9 Py'a guapýpe aňeno ake, nde upe che py'a remombytu'úgui.

Salmos 33:18 Ñandejára katu oñangareko umi chupe omomba'évape ha imborayhu rehe ojeroviávape.

Romanos 5:2 Jesucristo rehe ae, ikatu vaekue ñañemboja Tupãre ñande jerovia rupi, ha'e ñane pytyvõ haguã, ha ñaime porã ha javy'a ñaha'arõgui ñaiméne haguã hendive heko mimbipápe.

Isaías 55:12 Peẽ pesëta upégui vy'a pópe, pehóta pene retãme py'a guapýpe. Osapukái roryta yvyty ha yvy pu'ã pende rechávo, ha ka'aguy pegua yvyra ojepopete joáta.

Juan 16:22 Péicha avei peẽ, ko'ágã pehasa asy peína. Ágã che aju jey vove pohechávo katu, pene renyhëta vy'águi ha avave ndaikatu mo'ã oipe'a pende hegui upéva.

Lucas 12:9 Ha oimeraẽ he'íva opavave renondépe nda che kuaaiha,

che avei ha'éne Tupã remimbou kuéra renondépe, ndaikuaaiha chupe.

Mateo 10:30 Pene akãrague peteĩ-teĩ jepe niko ha'e oikuaapa.

Isaías 54:10 Hendágui ojei ramo jepe, ha ovava yvyty kuéra, ndojei chéne nde hegui che mborayhu, ha che ñe'ẽ me'ẽ py'a guapy rehegua ndovavái chéne.” He'i nde Jára nde rayhúva.

Mateo 11:28-30 Peju che rendápe opa peẽ pene kane'õ ha pemba'apo pohýiva, ha che pomombytu'úta. 29 Peheja tamoi pende apére che mba'e pohýi, ha pejapo che ha'éva peẽme. Ha peikuaáta che py'a porãha ha ndajepoiha, ha che ndive pejuhúta pytu'u. 30 Pe mba'e pohýi amoítava pende apére niko ivevýita peẽme, ha ndaipohýi mo'ãi upe aipotáva peraha.

Cantares 2:10 Che rembiayhu he'i chéve: “Epu'ã che rayhupára. Eju jaha, che yvoty.

Oseas 2:14,19,20 Ahundíta iparralty, hi'igoty, umívare he'i: ko'áva ome'ẽ chéve che kuimba'e kuéra. Ko'ãvagui ajapóta javorái, ha ho'úta umi tymba ka'aguy. 19 Aipe'áta ijurúgui itupã gua'u kuéra réra, ha noñehendu mo'ãi araka'eve. 20 Umi árape Israel rehehápe aña'ẽ me'ẽta tymba ñarõ ndive, guyra kuéra ha umi mbói ndive, amopẽmba ha aipe'áta ko tetãgui, hu'y, kyse puku ha ñorãirõ, opytu'u haguã che retãgua py'a guapýpe.

Éxodo 3:14 Tupã ohechávo oñembojaha, ohenói Moiséspe ñuatĩ pa'ũgui ha he'i chupe: —Moisés, nde Moisés! Ha ha'e he'i: — Rohendu che Jára! Mba'épa erese chéve?

Oseas 13:4 Ñandejára he'i: “Che hína Tupã nde Jára, reiko guive Egítope, aníke rereko Tupã ambue, ndaha'éiva che. Che ñoite ikatu roguenohẽ jejopy vaígui.

Juan 15:14 Peẽ niko che irũ hína, pejapo ramo upe ha'éva peẽme.

Apocalipsis 3:20 Ema'ẽ, che ahenói hína okẽme. Oimérõ ohendúva che ñe'ẽ ha oipe'áva hokẽ, aikéta hógape ha rokarúta oñondive.

Pastor T. John Franklin  
Church of Salvation, Healing, and Deliverance  
COS-HAD.org